

# Intipan dron PGA tumpas operasi proses e-waste haram RM1.3b

Pasukan Ulu Kinta buat rampasan terbesar sejak lima tahun hasil kerjasama dengan JAS Perak

Oleh Nor Azizah Mokhtar dan Omar Ahmad  
[ahnews@bb.com.my](mailto:ahnews@bb.com.my)

**Sungai Siput:** Pasukan Gerakan Am (PGA) Ulu Kinta menumpas kegiatan memproses sisa elektrik dan elektronik (e-waste) secara haram membabitkan rampasan bernilai RM1.3 bilion termasuk pelbagai jentera dalam serbuan di sebuah kilang di Jalan Sungai Siput-Kuala Kangsar di sini, kelmarin.

Komander Briged Utara Senior Komisiner, Shahrudin Hashim, berkata ia adalah rampasan terbesar sejak lima tahun lalu dan dilakukan dengan kerjasama Jabatan Alam Sekitar (JAS) Perak di kawasan seluas 4.8 hektar menerusi Op Hazard.

"Serbuan dibuat selepas risikan menggunakan dron selama sebulan di premis itu yang menjelaskan operasi di kawasan ini secara haram sejak sembilan bulan lalu.

"Rampasan membabitkan lebih 1,000 beg jumbo seberat satu tan setiap satu dan keseluruhan dianggarkan bernilai RM1.6 juta.

"Setiap beg ini mengandungi pelbagai barangan e-waste termasuk tembaga, timah dan aluminium," katanya ketika ditemui pada sidang media di kilang itu, di sini, semalam.

BERNAMA melaporkan, selain rampasan seramai 27 orang ditahan, iaitu dua warga tempatan, 14 warga China dan 10 warga Myanmar serta seorang kanak-kanak berusia dua tahun dipercayai anak kepada seorang pekerja warga Myanmar.

Shahrudin berkata, mereka yang ditahan lingkungan usia dua hingga 60 tahun, manakala dua warga tempatan itu dipercayai pemilik dan penyelia kilang.

Semua warga asing berkenaan diserahkan kepada Jabatan Imig-

resen Malaysia (JIM) untuk tindakan mengikut Akta Imigresen 1959/63," katanya.

Shahrudin berkata, e-waste berkenaan dipercayai diimport dari beberapa negara seperti Bolivia, Thailand, Oman, India dan Amerika Syarikat untuk diproses di kilang terbabit sebelum dieksport semula bagi pelbagai tujuan.

Sementara itu, Timbalan Pengarah JAS Perak, Muhamad Rizal Ramli, berkata kesalahan dilakukan premis berkenaan tertakluk mengikut Akta Kualiti Alam Sekeliling 1974.

"Kilang berkenaan didapati mempunyai dua kesalahan, iaitu tidak mempunyai lesen untuk beroperasi mengikut Seksyen 18(1) serta ketidakhadiran Laporan Penilaian Kesan Kepada Alam Sekeliling (ELA) di bawah Seksyen 34 A(6) Akta Kualiti Alam Sekeliling 1974," katanya.

Beliau berkata, sampel rasmi kesemua e-waste itu akan dibantar ke Jabatan Kimia Malaysia untuk dianalisis bagi mendapatkan komposisi buangan sebelum tindakan pendakwaan dibuat.

## Stimpan e-waste tak sah

Di Johor Bahru, Polis Johor berjaya membongkar aktiviti menyimpan e-waste secara tidak sah, di percaya membabitkan barangan diimport dengan rampasan bernilai RM71.5 juta.

Ketua Polis Johor, Datuk M Kumar, berkata dalam operasi khas Op Turing Landai Unit Risik Pasukan Polis Marin Wilayah Dua dengan kerjasama Jabatan Alam

Sekitar (JAS) Negeri Johor dan Majlis Bandarnya Johor Bahru (MJB), pihaknya menyerbu tiga premis kilang di Mukim Pientong, Desa Cemerlang, Ulu Tiram, Jumaat lalu dari jam 6.30 pagi hingga 11 pagi.

Katanya, dalam serbuan itu dua lelaki warga asing yang juga pekerja premis turut ditahan.

"Antara barangan dirampas ialah 1,300 goni jumbo berisi pelbagai jenis logam termasuk besi, timah, tembaga, serta komponen automotif, elektronik dan plastik (angggaran 2,379 tan).

"Turut dirampas 47 jentera dan mesin pemprosesan, 28 palet besi logam seperti besi, timah, tembaga dan komponen elektronik serta automotif (angggaran 22.4 tan), 19 tangki berisi komponen automotif dan serbuk besi (angggaran 41 tan).

"Polis turut merampas 13 longkongan besi dan komponen automotif (angggaran 55 tan), 10 tong gas, tiga telefon bimbit, dua tongku besi, sebuah ketuhar pembakar besi, dan satu raga aluminium berisi komponen automotif (angggaran berat dua tan).

"Turut dirampas pelbagai jenis bahan buangan serta peralatan pemprosesan dengan nilai keseluruhan mencecah RM71.5 juta di serahkan kepada JAS Johor untuk siasatan lanjut," katanya dalam satu kenyataan di sini, semalam.

Kes didasari mengikut Akta Imigresen 1959/63, Seksyen 18 (1) Akta Kualiti Alam Sekeliling 1974, Seksyen 19 Akta Kualiti Alam Sekeliling 1974 dan Seksyen 13 (A) (6)

Shahrudin (tengah) melihat sisa elektrik dan elektronik di sebuah kilang haram di jalan Sungai Siput-Kuala Kangsar, semalam. (Foto BERNAMA)



Akta Kualiti Alam Sekeliling 1974.

Katanya, kes turut didasari mengikut Undang-Undang Keel 3 (1) dan 50 (1) pelesenan terut perniagaan dan perindustrian MBJB3016 kerana menyalahi perjanjian tanpa lesen sah.

"Polis menegaskan aktiviti pemprosesan bahan buangan tanpa lesen bukan sahaja menyalahi undang-undang, tetapi juga boleh mengancam alam sekitar dan kesihatan awam.

"Masyarakat diminta terus nyuharkan maklumat sebarang aktiviti yang melanggar undang-undang kepada pihak berkuasa bagi memastikan keselamatan dan kesejahteraan rakyat sentiasa terpelihara," katanya.



Anggota PGA dalam Op Hazard di kilang memproses e-waste secara haram di kawasan seluas 4.8 hektar di Jalan Sungai Siput-Kuala Kangsar, semalam.

(Foto BERNAMA)





Serban di tiga kilang pemrosesan e-waste secara tidak sah di Mukim Pimang, Desa Cemerlang dan Ulu Tiram, Johor Bahru, kelmarin. (Foto: Basri FICOM)



Mohamad Suzrin bersama Azlan (kanan) melihat kelongsong peluru dalam kilang e-waste haram di Telok Panglima Garang, kelmarin. (Foto: BERHAMA)

# JAS ambil tindakan kilang simpan 50 tan peluru elak pencemaran

**Kuala Lumpur:** Kilang memproses sisa elektrik dan elektronik (e-waste) haram di Telok Panglima Garang yang disurvei pihak berkuasa kelmarin diumumkan tindakan Penahanan Operasi Kelengkapan (POK) oleh Jabatan Alam Sekitar (JAS).

Pengarah Bahagian Bahan Berbahaya JAS, Azlan Ahmad, berkata tindakan diambil mengikut Seksyen 381(a) Akta Kualiti Alam Sekeliling (AKAS) 1974 bertujuan bagi menghentikan pencemaran.

Katanya, JAS sudah melakukan pemantauan lanjut serta membuat pemeriksaan ke atas kilang terbabit yang berpotensi menyebabkan berlaku pencemaran.

"Siasatan mendapati premis itu melakukan pelanggaran Akta Kualiti Alam Sekeliling 1974.

"Tindakan POK ke atas kilang terbabit bagi menghentikan pencemaran daripada terus berlaku yang seterusnya boleh mengganggu kesihatan awam," katanya ketika dihubungi, semalam. Azlan berkata, JAS sedang dalam proses melengkapkan kertas siasatan bagi tindakan perunda-

ngan ke atas premis terbabit.



"Pihak industri perlu memastikan peranan memastikan operasi kilang atas premis mereka memenuhi semua keperluan perundangan alam sekitar dan tidak melakukan pencemaran alam sekitar," katanya.

Dalam pada itu, katanya sebarang aduan berkaitan pencemaran alam sekitar boleh dilaporkan melalui talian bebas tol 1-800-88-2727 yang beroperasi 24 jam sehari atau e-mel ke [aduan.k@doe.gov.my](mailto:aduan.k@doe.gov.my) dan melalui portal e-aduan JAS di [hdms/ezaduan.doe.gov.my](http://hdms/ezaduan.doe.gov.my).

Kelmarin, BH melaporkan serbuan terhadap sebuah kilang memproses bahan e-waste yang beroperasi secara haram dekat Telok Panglima Garang, mene-

mukan kira-kira 50 tan anak peluru, kelongsong serta peluru hidup yang disyaki diseludup masuk ke negara ini.

Serban dijalankan Pasukan Gerakan Am (PGA) Briged Tengah Polis Diraja Malaysia (PDRM) dibantu Pasukan Gerakan Udara (PGU) PDRM serta JAS.

### Tiada lesen lebur e-waste

Timbalan Pengarah Jabatan Keselamatan Dalam Negeri dan Keenteraman Awam (KDNKA) Bukit Aman, Datuk Mohamad Suzrin Mohamad Rodhi, dilaporkan berkata, serban hasil daripada maklumat risikan yang mendapati kilang yang sudah beroperasi lebih kurang dua tahun ini melupuskan e-waste secara haram.

Azlan turut dilaporkan berkata, pihaknya mendapati kilang terbabit tidak mempunyai lesen melerau dan melebur barang e-waste serta peluru.

Selain itu, katanya pihak JAS juga mendapati ada melakukan aktiviti meleburkan peluru, selain premis membuat pembakaran terbuka serta kemungkaran pelapasan gas berbahaya.